



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

« 20 » 03 2024թ.

No 4-3/17410-2024

«ՇԵՏԱՔՆՆՈՂ ԼՐԱԳՐՈՂՆԵՐ» ՀԿ-Ի ՆԱԽԱԳԱՀ,
«ՇԵՔ» ԹԵՐԹԻ ԽՄԲԱԳԻՐ՝
ՊԱՐՈՆ ԷԴԻԿ ԲԱՂԴԱՍԱՐՅԱՆԻՆ
ԷԼ.ՀԱՍՑԵ՝ annya.sarkisova@gmail.com

Ի պատասխան Ձեր 11.03.2024թ-ի գրության

Հարգելի պարոն Բաղդասարյան

Գրությամբ բարձրացված հարցերի վերաբերյալ հայտնում ենք հետևյալը.

1-ին հարցի վերաբերյալ.

29.05.2014թ. Եվրասիական տնտեսական միության (այսուհետ՝ Միություն) մասին պայմանագրի (այսուհետ՝ Պայմանագիր) 25-րդ հոդվածի 1-ին կետի համաձայն՝ Միության անդամ պետությունների Մաքսային միության շրջանակներում գործում է ապրանքների ներքին շուկա և իրականացվում է ապրանքների ազատ տեղափոխում անդամ պետությունների տարածքներով առանց մաքսային հայտարարագրման ու պեղական հսկողության (տրանսպորտային, սանիտարական, անասնաբուժասանիտարական, կարանտինային բուսասանիտարական) կիրառման:

Եվրասիական տնտեսական միության մաքսային օրենսգրքի (այսուհետ՝ Օրենսգրք) 19-րդ հոդվածի 1-ին կետի համաձայն՝ Արտաքին տնտեսական գործունեության ապրանքային անվանացանկը (այսուհետ՝ ԱՏԳ ԱԱ) ապրանքների նկարագրման և ծածկագրման համակարգ է, որն օգտագործվում է ապրանքների դասակարգման համար՝ մաքսասակագնային կարգավորման միջոցներ, արտահանման մաքսատուրքեր, արգելքներ ու սահմանափակումներ, ներքին շուկայի պաշտպանական միջոցներ կիրառելու, մաքսային վիճակագրություն վարելու նպատակներով:

«Ռեդուկսին» ապրանքատեսակը ՌԴ արտադրանք է: ՀՀ արտադրողական բազայում Միության անդամ չհանդիսացող երկրներից նշված արտադրանքի ներմուծման



գործարքներ չեն հայտնաբերվել, հետևաբար ենթադրվում է, որ խնդրո առարկա ապրանքը
 ՀՀ տարածք ներմուծվել է Միության անդամ երկրներից:

ՀՀ կառավարության 28 փետրվարի 2019 թվականի N 202-Ն որոշման՝ 73-րդ կետի
 համաձայն՝ Միության անդամ երկրից Հայաստանի Հանրապետություն դեղագործական
 արտադրանք ներմուծելիս՝ արտադրանքը Հայաստանի Հանրապետության պետական
 սահմանը հատելուց հետո ներմուծողը 3 աշխատանքային օրվա ընթացքում դիմում է լիազոր
 մարմնին՝ ՀՀ առողջապահության նախարարություն, ներմուծման
 (համապատասխանության) հավաստագիր ստանալու նպատակով: Ներմուծողը Միության
 անդամ երկրից Հայաստանի Հանրապետություն ներմուծվող դեղագործական արտադրանքը
 տեղափոխում է իր պահեստ և չի իրացնում, բաշխում, բացթողում կամ կիրառում՝ մինչև
 ներմուծման (համապատասխանության) հավաստագիր ստանալը և սերիայի բացթողում
 իրականացնելը: ՀՀ ՊԵԿ մաքսային մարմնի կողմից Միության անդամ երկրներից
 ներմուծվող բժշկական արտադրատեսակների նկատմամբ հսկողությունն ավարտվում է
 բեռը բաց թողնելու պահից:

Միաժամանակ տեղեկացնում են Ձեզ, որ Միության անդամ չհանդիսացող երկրներից
 ներմուծվող դեղագործական արտադրանքի նկատմամբ մաքսային մարմինների կողմից
 հսկողությունն իրականացվում է ինչպես մինչև ապրանքները բաց թողնելը, այնպես էլ բաց
 թողնելուց հետո՝ Եվրասիական տնտեսական միության մաքսային օրենսգրքի 14-րդ
 հոդվածով սահմանված մաքսային հսկողության ներքո գտնվելու ավարտից հետո՝ երեք
 տարվա ընթացքում:

Հաշվի առնելով վերոգրյալը և այն հանգամանքը, որ խնդրո առարկա հարցը դուրս է
 ՀՀ ՊԵԿ իրավասություններից՝ առաջարկում ենք բարձրացված հարցի վերաբերյալ
 տեղեկատվությունը տրամադրել ՀՀ առողջապահական և աշխատանքի տեսչական
 մարմնին:

2-րդ հարցի վերաբերյալ.

Հսկիչ դրամարկղային մեքենաների կիրառության և (կամ) հսկիչ դրամարկղային
 մեքենաների միջոցով դրամական հաշվարկների կանոնները չպահպանելու համար
 նախատեսված է պատասխանատվություն ՀՀ հարկային օրենսգրքի 416-րդ հոդվածով, իսկ
 ակցիզային դրոշմանիշերով և (կամ) դրոշմապիտակներով դրոշմավորման կանոնները
 չպահպանելու համար նախատեսված է պատասխանատվություն ՀՀ հարկային օրենսգրքի



424-րդ հոդվածով: Նշված խախտումները արձանագրվում են հարկային մարմնի կողմից իրականացվող համալիր հարկային ստուգման, թեմատիկ հարկային ստուգումների (հսկիչ դրամարկղային մեքենաների կիրառման ճշտության ստուգում և ակցիզային դրոշմանիշերի և (կամ) դրոշմապիտակների կիրառման ճշտության ստուգում) կամ հսկիչ զննան ուսումնասիրության ժամանակ՝ օրենսգրքով սահմանված կարգով:

Ընդ որում, վերը նշված հսկողական գործողությունները հարկային մարմնում իրականացվում են նաև 3-րդ անձանցից ստացված տեղեկատվության հիման վրա: Հետևաբար, Ձեր կողմից ներկայացված փաստերը կուսումնասիրվեն հարկային մարմնի համապատասխան ստորաբաժանումների կողմից և կտրվի համապատասխան ընթացք: Միաժամանակ, շնորհակալ ենք համագործակցելու համար:

3-րդ հարցի վերաբերյալ.

Ինչ վերաբերում է ՀՀ առողջապահական և աշխատանքի տեսչական մարմնի կողմից դեղերի ներմուծման և իրացման վերաբերյալ տվյալների ստացմանը, ապա տեղեկացնում ենք, որ տեսչական մարմինը պարբերաբար ըստ անհրաժեշտության դիմում է ՀՀ պետական եկամուտների կոմիտե իրացված դեղերի վերաբերյալ տեղեկատվություն ստանալու համար:

ՀԱՐԳԱՆՔՈՎ՝

ՀԱՐԿԱՅԻՆ ՎԱՐՉԱՐԱՐՈՒԹՅԱՆ
ԿԱԶՄԱԿԵՐՊՄԱՆ, ԴԻՏԱՐԿՄԱՆ ԵՎ
ՀՍԿՈՂՈՒԹՅԱՆ ՎԱՐՉՈՒԹՅԱՆ ՊԵՏ

ԶԱՌԱ ՄԵԼՔՈՒՄՈՎԱ

X *Z Melkova*



Signed by: MELKUMOVA ZARA 5702810120

Կատարող՝ Ընթացիկ հարկային եկամուտների հաշվառման բաժին,
Անի Մելքոնյան, Հեռ. 010304009, 010304098